

1978

N

13

[28-33]





SOLENNITAS NOMINE TESTAMENTARIAE
1710
VERUM CUM
IOHANNEM DANIELEM HERRMANN
SCHNEIDER
IN
SOLATIVM
IN
DESIDERATISSIMI
DOCTORIS
IACTVRA.



Kapsel 78N 13 [29]

AK



FVNESTAE NONAE FEBRVARIAE,
SPENERO, quanto ecclesiae lumini? olim supremæ,
redierunt proxime lactuosiores,
acerbo mergentes funere
Speneriane indolis theologum,
VIRVM SVMMÆ REVERENDVM, AMPLISSIMVM,
EXCELLENTISSIMVM,
**IOANNEM DANIELEM HERRN-
SCHMIDIVM,**

DOCTOREM THEOLOGIAE
ET PROFESSOREM MERITISSIMVM.
Ereptum academix decus, ecclesiae fidus subductum
si lugent alii, & queruntur gravissime,
alienis maxime ingemiscentes detrimentis;
mirum non est
effundi in lacrymas, & dolore suo prope exanimari,
quorum res agitur præcipue, qui maiorem faciunt iacturam,
nos, tam sidi DOCTORIS discipulos omnes ac singulos,
qui cæteris inter alia argumentum fumus
deplerandi casus,
quo arcuissima rupta sunt vincula, & dissociati coniunctissimi,
contuges, ad breue quidem tempus,
vxore, MATRONA NOBILISSIMA

SABINA CATHARINA SCHWARTZIA,
altero statim die maritum insequuta,
liberi & parentes,
præceptor ac alumni.

Nescimus,
vnde incipere querentes, quoque desinere debeamus?

Fugiunt nos,
quarum conscientia pareret solatium,
diuina & propitix providentia rationes,
quibus permitti potuit,
vt talis periret, vel nobis potius interciperetur,
tam carus, tam vtilis, tam necessarius vir,
ex medio curriculo, præcul a legitimo vite termino.
Supra caput nostrum est
in hæc inquirere, & mirabiles DOMINI perspiciere vias;
supra ætatem, & huic convenientem modestiam
iniussos excutere humana de tali casu & fati bonorum iudicia,
laborare in proferendis melioribus,
in ostendenda calamitatum & diuini amoris concordia,
in natura mali explicanda, & tradendo MYSTERIO CRVCIS,
quo ignorato, agimur in transuersum,
& ad male de DEO, eiusque providentia suspicandum.

Liberati ab ista suspicione acquiescimus in voluntate SVMMI NV-
MINIS,
reconciliati per filium patris, fauentis salutis nostræ,
omnia facientis bene ac sapienter,
quamuis bonitas eius & sapientia nondum plene in omnibus intelligatur.
Hinc sumimus solatii initia, & spem mitigandi doloris:
non fato, sed iussu patris nostrum migrauit caput.

[55] ER 1184 20/10/21

Porro conuenit,
dum cæteri lugent, ratiocinantur, lamentantur,
si nostrum ex sensu BEATI metimur officium,
nos, discipulos, animum erigere demissum & oppressum,
non pati illum stupescere sub luctu squalido,
recognoscentes tempora præterita, & prospicientes in futurum,
oculis a præsentis tempore tam adlieto, contra morem, tantisper auertis.

Vt erit futuro tempore,
sicut a longo fuit, & durauit mire,
ex quo, si velimus, poterimus damna ablati doctoris resarcire;
sic est in præterito tempore,
quantulumcunque hoc fuerit, quo talem habuimus doctorem,
propter quod gratias agamus DEO, in hoc tribuenti,
quæ nemo meritus erat,
scilicet cum reliquis PRÆCEPTORIBUS VENERANDIS,
eodem, quo defunctus, animatis spiritu,
virum, qualem vix seculum tulit, viditæ schola alia,
non sibi viuentem, sed CHRISTO, nobis, ecclesiæ,
vacantem alumnis totum,
sincero animo, & a suis commoditatibus alieno;

cuius princeps erat cura
illos vindicare ab exitio, in quod ruimus cæci,
vindictas, & ad seria conuersos idoneos efficere aliis seruandis.

Causam habebunt non prædicandi solum NVMINIS,
sed, quod insolens, gaudendi in summa hac tristitia,
quotquot alta mente illius discipiinæ fructus reposuerunt,
& quales facere studuit, tales sunt facti,
ad omne recte factum bene comparati,
instructi, armati, confirmati

scientia & vsu veritatis,
proferendæ ad populum integre & cum successu.

Hic effectus

sancte pieque ab illo administrati muneris,
post fata BEATI superstes manet:
quem si retinere augereque cupimus, vt cupere debemus,
audiamus, sequamurque apostolum,
ostendentem, quo animo, quoue adparatu iusta conueniat doctori
soluere,
nempe respiciendo ad finem discessumque eius, & fidem imitando.

Spectauimus NOSTRVM sub finem vitæ,
iactatum mundano mari turbulentissimo,
per cunctas tempestates prouectum fidenter,
adpellere in portum cælestium:
huc mentem & cursum exemplo illius dirigamus,
tanquam peregrini & absentes a patria,
non obliti mortis incertum,
ab omnibus decantatum, cogitatum a paucis!
inter hæc NOSTRI recordemur fidem,
qua prospere confecit iter tam periculosum,
documentis spectatam luculentissimis, in toto vitæ actu:
reminiscemur animum illius rectum in fide, DEOque plene addictum,
radicatum in CHRISTO,
submisisse de se sententiam in magno fidei & virtutis progressu,

in dignitatum honore, in copiosissimo eximia variæque eruditionis a-
paratu,

quem totum ad CHRISTI cognitionem referebat,
præ hac illam putans pro nihilo.

Recogitemus reliquum fidei opus, exercitium, laborem
in exequendis muneris sanctissimi officii omnibus,
in docendo, hortando, monendo, consulendo;
sub patientia singulari, in maximis difficultatibus & incommodis,
promte toleratis, fortunæque antepositis lautiori;
in vitæ integritate, exaggerata veris virtutibus, & ad finem retenta.

Talem fidei suæ imaginem
in nostra conscientia reliquit **DILECTISSIMVS DOCTOR:**
utinam ista hic custodiretur,
nostræque ad eam conformarentur mentes!

Efficat id diuinus spiritus
in quolibet **TANTI VIRI** auditore!
per quos hoc facit, ecclesiæque nos parat,
incolumes seruet

**VIROS VENERANDOS, THEOLOGIAE IN HAC ACADE-
MIA PROFESSORES,**

Præceptores nostros fidelissimos, & omni obsequio ac amore
prosequendos!

maerorem, quo adficiuntur, minuat, abstergat,
representato solidi solatii argumento,
iucunda triginta annorum experientia,
cognitioque a tam longo tempore **SUPREMI DOMINI** amore,
propitia providentia, auxilio multiplici & mirando,
quo stant in hunc diem!

tribuat porro, sicut dudum cœpit, labori ipsorum successum,
quem vno animo, studioque querunt impensissimo,
quo totum conuertunt muneris conatum,
vt evangelicæ doctrinæ puritas & obsequium
longe lateque propagetur,

vt depellatur ab ecclesia evangelica otiosa fidei dedecus,
ab ipsis purioris religionis instauratoribus tantopere damnatum!
prouehat singulos ad summum senectutis gradum,
nec eos olim subtrahat nobis, quin plures relinquat
sui similes, pares colendæ vineæ **DOMINICAE,**
& prohibendis ab illa corruptelis!

Quod vt fiat,
optant cum boni omnes, tum maxime tam fidorum præceptorum
amantes alumni,
& in his

I. H. C.

P. P. **CIDIOCCXXIII. FEBRVAR. XIV,**
die, quo **BEATO** publice est parentatum.


HALAE LITTERIS HENCKELIANIS.

† † †

78 N 13 (Kapsel 28)



SOLATIVM
IN
DESIDERATISSIMI
DOCTORIS
IACTVRA.



Farbkarte #13

B.I.G.

